



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Fasti Mariani**

**Brunner, Andreas  
Pfeffer, Wilhelm**

**Antverpiæ, 1663**

S. Julianus Conf. 12. Feb.

**urn:nbn:de:hbz:466:1-41940**

**Q**uoties dum hostem petit, se fauia  
 & suos ira! Domo aberat JULIA-  
 NUS, familiam conjugē curante. Inte-  
 reā parentes adsunt, & quem puerum  
 amiserant, filium querunt. Heu quām  
 præstabat nunquam invenire! At con-  
 jux gratulata sibi, quod benefacere et  
 jam absenti JULIANO in parenti-  
 bus posset, humanissimis verbis hospi-  
 tes salutat, epulo lautissimo excipit, ab  
 epulo in suo thalamo molliter locat,  
 nescios funebrem se lectum concende-  
 re. Et forte jam filium somniabant:  
 cum ecce adest hic, & ubi primum à ge-  
 minis premi lectum videt, sive nox, fi-  
 ve thori violati suspicio oculos fascina-  
 verat, præcipiti vindictâ utrumque ferro  
 trajicit, lectumque dum ab adulterio  
 purgare parat, ah! paricidio inaculat.  
 Mox uxor superveniens, & dies facinus  
 monstrant. Hic demum JULIANUS  
 non longius fugisse se parentes ingemis-  
 cere; acculare paricidas manus; ultrò  
 omnes euleos advocare, denique cogita-  
 re, qui nefas tantum seriò in se castiga-  
 ret. Longum supplicium placuit. Xeno-  
 dochium propter fluminis ripas constru-  
 xit, rectius in hoc hospites pauperes ac-  
 cepturus, omniumque ipse bajulus per un-  
 das futurus. Et fuit cum leprosi formam

Chi.

13. Feb. VITÆ SANCTORUM. 111  
Christus induit. Hunc cum JULIANUS transportatum foco fovisset rigenter, mensā esurientem, & suo lectulo dormitientem, ecce paricidii veniam manifestus, vel dedit, vel olim datam nuntiavit. Perrexit tamen ille operam suam eō studiosius probare, quo hospitibus nobilioribus jam frāquentari ædes videbat. Ex Petr. de Natal.

Ille viam Domino suo parat, qui luxuriantis carnis respuens voluptates, tota mentis sue spiritu suspensus ad Deum vigore se castitatis accingi: optimam parat Domino viam qui cogitationes suas avaritiæ fluctibus astuentes serenæ conscientiæ tranquillitate compescit. S. Max. hom. de S. Joan.

S. MARTINIANUS C. 13. Feb.

V Itam solam MARTINIANUS agere cœpit octo & decem annorum adolescens. Dæmon malus ejecturus statione suâ militem, veteris serpentis exuvias induit. Sed nihil nisi risum retulit, quo merito humi eum repere post casum tam altum dixit. Quid ageret vietus serpens? ut virum decipiat, iterum mulierem subornat. Adeò hæc panniculis involuta, & velut à viâ exerrasset, magnis ejulatibus, ne in pabulum feris cedat, id noctis hospitium orat; aperit MARTINIANUS à feris feminam defen-